

# TOTIHITAWË THAMOTIMA THË Æ

## PREÁMBULO

Enaha thë puhi taeo kuaai, wã rëamai thë, peheti he usukuwë thë, wã toprao thë kãi, hei thë pë nohi taemopou piyëkou, ïhĩ thë pë nohi ïhĩpimopouha totihitawë thamotima thë hami he usukuwë thë pë nohi taeayou totihitaopë,

Enaha thë puhi taeo kuaai, totihitawë thamotima thëni thë taimi ha, thë pë kãi shomiaprai ha, hei wãrĩtiwë thamotima thë kipi thaprarema. Komi pëmaki rë kui pëmaki kiriihou mai, pëmaki kãi no preaai mai pëmaki përihou piyëkopë, pëmaki ã topraopë, pëhetiapramotima thë pë hami.

Enaha thë puhi taeo kuaai, totihitawë thamotima thë rë wã nosie huamotima thëni thë nohi thapopë, komi urihitheri thë pë no yuayou maõpë,

Enaha thë puhi taeo kuaai, thë pë përihiwë rë piyëkëi thë pë puhi taamayõpë thë pë rĩmimayõpë,

Enaha thë puhi taeo kuaai, komi urihitheri ONU thë ha thë pëhetiapraihe, totihithawë thamotima thë hami, suwë wãro pei pëmaki no rë kui thë pë no ã hë usukuwë, kama pëni thë ã wawemarëmahë thë pë puhi rë taamaĩwëĩ,

Enaha thë puhi taeo kuaai, komi urihitheri pë rë kui ONU thë iha thë pë ã wawëtokema totihitawë thë ã nosi riã ha poheni,

Enaha thë puhi taeo kuaai, thë pë ã rë wawëtokenowëĩ thë pëni thë ã hĩrĩapehe thë ã nosi kãi popehe

Ïhĩ thë no ã ha TOTIHITAWË THAMOTIMA THË Æ wëyëi piyëkouhe.

## Hetipëtëwë 1

Kõmi thë pë rë përiprawë rë piyëkëi, he usukuwë thë pë keprou ai thë ã rëamaihã no ã heparohowë, totihitawë thë pë riã rë thaiwehei hami, thë pë puhi tao kãi përihiwëha, thë pë puhi kãi katehewëha hawë kama thë pë mashi shĩro përihimopë.

## Hetipëtëwë 2

Kõmi thë pë ihami totihitawë thamotima thë kuprawë , thë ã rë maiha thë pë përiprawë, wã katehano thëni thë wãhã no wayoano, suwë, wãro, pei kahi, thë pë rë reahumouwëĩ, napë thë ã, no matohipi, no preaarewë, thë pë rë kepronowëĩ hami, ai thë pë sho, shomi urihitheri himayõumahëĩ.

Kõmi thë pë ihami totihitawë thamotima thë kuprawë , thë ã rë maiha thë pë përiprawë, ma kui ai thë pëni thë pë urihipi rëpoumakuhe thë pë riã përio toprao he yatio.

## Hetipëtëwë 3

Yãmi kõmi thë pë ihami totihitawë thamotima thë kuprawë thë pë rë përiaiwei thë pë kuprawë, ai thë ã rëamai, peheti thë pë rë përiaiwei.

## Hetipëtëwë 4

Ai thë pë iha horemou wamaki no ohotamopi mai, horemou ohotamomamotima thë

thamai puhioni he parohowë.

#### Hetipëtewë 5

Thë pë shëmour taomi, thë pë wãhã kã wãrĩhĩthomamou taomi, thë pë shëmour wãrĩtai taomi.

#### Hetipëtewë 6

Thë pë përiprawë rë piyëkëi thë pë ihami totihitawë thamotima thë kuprawë, thë pë nohi riã hatukëmopou piyëkou.

#### Hetipëtewë 7

Wã nosie huamotima a hami, komi hititiwë thë pë he usukuwë, thë pë nohi kã thapou piyëkou. Hei wã katehano thë rë kui thëni, hititiwë wã nosie huamatima ani wãrĩhĩtho thamotima thë hami, thë pë he komi rupou piyëkou; wãrĩhĩtho thamotima thë hami thë pë no yuo maõpë.

#### Hetipëtewë 8

Komi hititiwë thë pë rë kui, thë pë payeriopë nohi thaporewë pata pëni, pë nohi rë hatukëawei kama urihithëri thë pëni, totihitawë thamotima thë wãrĩhĩtho thai maõpehe.

#### Hetipëtewë 9

Enaha pëtauwë thë pë huëamou taomi, thë pë kã õkamopou taomi ai thë urihi hami thë pë shimamou ayao taomi.

#### Hetipëtewë 10

Komi hititiwë thë pë ihami, totihitawë thamotima thë kuprawë, thë pë he pruka usukuwë, nohi thaporewë pata pë mithari hami, thë a riã hai thë a riã ha hĩrĩãmoni thë rë thanowëi thë hami thë wãhã no wëyëihe tēhë, thë no ã he riã ha ruoni.

#### Hetipëtewë 11

Hititiwë thë pë rë kui thë pëni ai thë ma thamonomai thë pë wãhãno wëyëihe tēhë thë pehetiaprai haia maheĩha thë shurukuamou haio taomi. Nohi thaporewë pata pëni thë pehetiaprai haia maheĩha pë noa napëmou taomi.

Thë pë wãhãno wëyëyono ma mai, thë pë wãhãno wëyëyou, enaha thë thamou taomi. Hapa hote wãrĩtiwë thë ani hei tēhë thë wãrĩtiwë he parohowë thë thamou taomi.

#### Hetipëtewë 12

Ai thë puhĩ pëtouha ayaroni, thë pë yahipi hami, thë he haprou ayau taomi, therihë pë ihami kã, õniõni a shimaihe tēhë thë kã mii pario ayao taomihe, komi thë pë mithari ha wa thë wãhãno wëyëi ayao taomi. Īhĩ thë pë hami totihitawë thamotima thë rë kui wã nosie huamotima thëni thë pë nohi thapou piyëkou.

#### Hetipëtewë 13

Hititiwë thë pë ihami totihitawë thamotima thë kuprawë, ai thë ã rëamaihã thë pë riã huu piyëkou, wa thë nohi rë përipouwei thë urihi ha thë pë kã riã shaponomou.

Hititiwë thë pë ihami totitihitawë thamotima thë kuprawë ïhĩ thë no ãhã thë pë rë përihiwë rë piyëkëi thë pë urihipi hami, thë pë kãi riã huu, thë pë urihipi nohi kãi rë përiprai, thë pë urihipi nohi kãi riã kõi mi yapao.

#### Hetipëtewë 14

Ai thë yapëkamahe tëhë, kõi hititiwë thë pë ihami totitihitawë thamotima thë kuprawë thë pë rë hithëpraamaiwëi a urihi ha, ïhĩ ã hã thë pë ã riã topiao, shomi thë pë urihipi hami kãi.

Hei a hami totitihitawë thamotima thë rë kui thë wãhã pomou taomi thë kãi puhipramou taomi, wã nosie huamotima nohi thaporewë pëni thë pë huëmamaihë tëhë peheti kõi yapëkamotima thë pë hami pei thë hapa rë hupëtarenowëheĩ thë pëni kãi.

#### Hetipëtewë 15

Hititiwë thë pë ihami totitihitawë thamotima thë kuprawë, kama urihi theri thë pë wãhã hirou katitou.

Thë puhi pëtouha ayaroni kama urihitheri thë rë kui thë mapramai ayao taomi, totitihitawë thamotima thëni hawë kama e thë wãhã riã hiroprou kuo.

#### Hetipëtewë 16

Wãrõ, suwë pë sho, kama huya thë pë riã rë toayouwei hami totitihitawë thamotima thë kuprawë ai thë ã rëo taomi. Ai thë ã rëamaihã suwë , wãro pë sho thë pë riã toayou, kama theri thë pë wãhã hirou, reahumotima kama urihithëri, ïhĩ thë pëni totitihitawë thamotima thë hami thë pë ã rëo taomi, kama thë pë mashi riã kuprou. Shoati totitihitawë thamotima thë ha thë pë ã riã topiao, thë pë toayou pario tëhë, thë pë ã topiao rë kuonowëi naha, thë ã riã topiao kuo shoao.

Kama këkipi rë puhiyouwei, peheti këkipi riã toayou.

Kama thë pë mashi shĩroni pë shapono praukamaihë ïhĩ thë no ãhã totitihitawë thamotima thë rë kui, kama urihitheri thëni thë nohi thapouhe, kama thë pë shaponopi kãini.

#### Hetipëtewë 17

Hititiwë thë pë rë kui thë pë matohipi riã kuo, totitihitawë thamotima thë ha, thë pë rë perihii hami kama thë pë urihipi riã rii kuomopotayou.

Pei thë puhi pëtouha ayaroni thë pë matohipi riã rëmaimihe thë pë rë perihii hami urihi ã kãi rëmai taomihe.

#### Hetipëtewë 18

Hititiwë thë pë rë kui ai thë ã rëamaihã totitihitawë thamotima thë ha thë pë puhi tao kãi riã përio, reahumotima thë hami, thë pë puhi katehewëha; totitihitawë thamotima thë ha thë ã kãi koyokoa reahumotima wa thë riã rë hemihipraiwei, ai thë ã rëamaihã thë riã owëmamou komi thë pë mithari ha thë kãi riã owëmaihe, thë pë hirayou tëhë, thë pë owëmayõũ tëhë, peheti thë ã huamou sharirou ha.

#### Hetipëtewë 19

Ai thë ã rëamaihã hititiwë thë pë rë kui yãmi thë pë puhi riã piyëkou, thë wãhãno riã

rë wayoiwehei; ïhã thë ã kãi koyokoa thë ã hai tëhë thë ã nohi wārimopou taomi, ma kui yaniki thë riã wārimou kuaahërii, thë ã riã opisi tëamou kuaaherii, thë ã riã wëyëmou piyëkou wānoshimamotima thë pë hami.

#### Hetipëtëwë 20

Hititiwë thë pë ihami totihitawë thamotima thë kuprawë ai thë ã rëamaihã thë pë ã riã wayou kãi yototai thë pë riã rë thaiwehei thë pë wãhãno wayoihe ha.

Ai thëni yototamotima thë hami thë shimai ayao taomi.

#### Hetipëtëwë 21

Hititiwë thë pë ihami totihitawë thamotima thë kuprawë patamorëwë thë pë rë kui thë pë ã wayou kãi riã roaai narëõ kama peni a pata rë thanowëhëi pë mithari ha kãi.

Hititiwë thë pë ihami totihitawë thamotima thë kuprawë kama thë pë rë përiprai hami thë ohotepi rë shatiprai, thë pë riã ohotamou toaai.

Patamorëwë thë pë rë kui, thë pë shaponopi kãi rë përiowei thë pë iha thë pë patamou. Ei thë rë kui thë pë shaponopi kãi rë përiowei thë peni thë pë wãhãno ha wayoaheni thë yaiaprai shoahe yaiamotima thë kuo tëhë thë pë yaiamou hãthõõ.

#### Hetipëtëwë 22

Hititiwë thë pë ihami totihitawë thamotima thë kuprawë kama thë pë rë përiprai hami pata thë pëni thë pë nohi kãi hatukepopehe, ai urihitheri thë pë patani thë pë nohi kãi hatukëpopehë, thë pë puhi topmapopehe, ïhã thë nohi yaimopou thë pë puhi wetinahamou maõpë, peheti thë pë përihopë.

#### Hetipëtëwë 23

Hititiwë thë pë ihami totihitawë thamotima thë kuprawë, thë pë urhipi riã hupëo, ai thë ã rëamaihã thë ohotë hurimopë, thë prewë thaporaheni, pata thëni ohotamorëwë thë pë rë kui thë pë nohi pëyëpou thë pë ohotë kuo maõ tëhë.

Hititiwë thë pë ihami totihitawë thamotima thë kuprawë, thë pë ohotamou he usukuwë rë kurenaha thë pë no kãi kõõ he usukuopë.

Hititiwë thë pë ihami totihitawë thamotima thë kuprawë he husukuwë thë pë no kõõ, thë pë puhi kãi owëhëo, kama pë shïro rë kui e pë puhi kãi përio mi hetuopë e thëki peheriproimiha pë kãi rë përiowei ai e thëki he riã tikëai e thëki he usukuopë.

Hititiwë thë pë ihami totihitawë thamotima thë kuprawë, sindicato thë pë riã thayou, thë pëhe rumopopë.

#### Hetipëtëwë 24

Hititiwë thë pë ihami totihitawë thamotima thë kuprawë, thë pë washimi horuu yānikio pariopë, thë pë riã huu toatarou, topiao thë pë kãi rë ohotamonowëi thë no kãi riã kōāmamou thë ma yānikia parirani.

#### Hetipëtëwë 25

Hititiwë thë pë ihami totihitawë thamotima thë kuprawë, thë pë riã përio topiao kama theri thë pë shïro sho, nii pë hami, yahi pë sho, thë pë kãi temio topiao, thë pë kãi titihopë, thë pë nohi kãi rë yaimopouwei thë pë sho. Enaha hititiwë thë pë

pehi totihitawë thamotima thë ha thë kua thë pë rë ohotamoumai, pë rë shawarapiwei, thë pë no rë huwëmai, thë pë he rë paharaprai, thë pë rë wārō rë patai, thë pë suwe kãi rë patai, ai thë pë wārītiwe kãini thë pë pehetipopehe.

Suwë shipënapi thë pë rë kui, ihiru, marãnapi, suwëhëri marãnapi thë pë komi sho, totihitawë thamotima thëni, thë pë nohi thamopou topraopë. Hititiwë ihiru hĩpi kua pë rë keprouwei, pë hĩpi ma kua mai pë kãi rë keprouwei, totihitawë thamotima thë kuprawë peheti pë nohi kãi thaprawë.

#### Hetipëtewë26

Hititiwë thë pë ihami totihitawë thamotima thë kuprawë, thë pë kãi hirayopë. Hiramotima thë pë rë kui, nomraiha thë pë hiramou pariopë. Hiramou pariotima thë hami thë pë ihirupi shimio he parohoopë. Hiramou pariotima thë nohã hami ĩha hititiwë thë pë õnimou taai he parohoopë; õnimou pata thë rë kui hititiwë thë pë pehi ma kui thë pë puhi moyãwei rë thë pë pehi shĩro kuopë.

Hiramotima pë hami, puhi tao thë pë kupropë ĩhĩ thë no ãhã totihitawë thamotima thë pë nohi asipopehe ai the ã rëamai thë sho; thë pë rë përiprawë piyëkëi thë pëni, thë pë nohi kãi rë yaipouwehei thë pë hami, thë pë no ĩhĩpipopehe, thë pë kãi puhipoyopë, O.N.U. thëni thë thamai rë puhiiwei thë ã riã praukamai ha piyëkoni, thë pë ã riã topramapou ha totihioni.

Pë nĩ, pë hĩ thë pëni e thë hiramai shi rë topraowehei e thë hiramai puhipehe.

#### Hetipëtewë 27

Komi hititiwë thë pë ihami totihitawë thamotima thë kuprawë, thë pë rë përihii thë pëni thë pë rë tai rë piyëkouwehei thë pë hami ai thë ã rëamaihã, thë pë no riã taayou, thë pë a kãi riã toprao, matohi pë rë thanowëhëĩ pë hami, ĩhĩ thë pë matohi ha thë pë ã riã toprarou.

Hititiwë thë pë ihami totihitawë thamotima thë kuprawë , thë pë nohi thaopë, kama thë pëni thë pë rë thaiwehei thë pë hami, thë kãi rë õnimaiwëhëĩ thë pë hami, noshiharirawë thë pë kãi rë kopemaiwëhëĩ hami kãi.

#### Hetipëtewë 28

Komi hititiwë thë pë ihami totihitawë thamotima thë kuprawë ai thë pëni thë ã rë thaiwehei, thë ã nosi popehe.

#### Hetipëtewë 29

Komi hititiwë thë pëni ohote thë huripehe kama thë pë shaponopi hami, ĩhĩ pë shapono hami toprao thë pë parahërii.

Totihitawë thamotima thë hami thë pë rë wapëoheriwei ai thë pë ihami totihitawë thamotima thë pë kãi kuprawë, ĩhĩ ei thëni thë nohi hatukëmapou totihitawë thamotima thë rë kui ai thë ã reamai thë sho. Mihi totihitawë thamotima thë hami peheti thë pë kuaahërii, yaiamotima thë hami thë pë rë patamou thë kuo tēhë.

Hei totihitawë thamotima thë rë kui ai thë ã kua mai thë pë sho O.N.U. thë rë kuuwei thë ã nohi wārĩpou taomi.

#### Hetipëtewë30

Thē pē rē pērihouwei thē pēni, yototarewē pēni , ai yāmi thēni wa katehano thēni  
totihitawē thamotima thē wāhā no wēyēi ha ai thēni thē wāhā nohi taeai taomi, thē  
wāhā kǎi hemhiprai ayao taomi.